

# Il Friûl in contat cu la Europe



Il projet 'Tieris antighis, peraulis incjantadis', metût adun de associazion Lenghis dal Drâc - Amîs di Onde Furlane cul jutori de Arlef al propon tescj di lei e di scoltâ cun trê libruts e trê Cds. » DI MARCO STOLFO

lis contis Il fi dal fari (de Scozie) e Il guriut curiôs e il paianut malât (dal Friûl). Tal tierç, che il so titul al è La nuvice incjantade, a son une conte basche (La siore dal landri) e une furlane (Un amôr fûr di usance).

## LETURE E INTERCULTURALITÂT

"Tieris antighis, peraulis incjantadis" al promôf la lecture e la interculturalitât e al pues judâ la didattiche dal

furlan e par furlan tes scuclis. Plui in gjenerâl i trê libruts a vierzin lis puartis par gnovis ricercjis, par gnovis cognossincis e salacor ancje par gnovis contis, stant che ce che si lei, si cjale e si scolte a diventin un pont di partence par contâ e par viazâ cu la fantasie, e no dome cun chê. Par savênt di plui: [www.ondefurlane.eu/amis](http://www.ondefurlane.eu/amis) e [lenghisdaldrac@gmail.com](mailto:lenghisdaldrac@gmail.com).



[alessandro.digiusto@ilfriuli.it](mailto:alessandro.digiusto@ilfriuli.it)

## LEZIONI DI AUTONOMIE Apontament ogni miercus cui esperts

A son scomençadis lis "Lezioni di autonomie", rivadis ae tierce edizion. Dopo Feagne e Spilimberc, si va a San Luring dal Lusing. La organizazion coordenade de associazion "La Game" e viôt la colaborazion di "Glesie Furlane", "La Patrie dal Friûl", "Istitût Ladin Furlan", "Onde Furlane" il modul "Mumucei" de Universitât dal Friûl e par cheste edizion ancje de Consulte provinciâl pe comunitât furlane di Gurize.

Si va indevant dut Març, ogni miercus: dopo i prins tre apontaments, i incuintris a laran indevant miercus ai 23 di Març cun **William Csilino** che al presenterà il catalan **Marc Gafarot i Monjo** e **Marco Stolfo**, clamâts a fevelâ di autonomie e Europe.

Si sierarà miercus ai 30 cun **Michele Calligaris** che al presenterà **Franco Fabbro** e la sô lezione su "Autonomie e democrazie. I numars de socializazion umane".

## SCOLTADIS DI DRIUS

### Miôr no fâ nuie

El miôr mût par no sbaliâ un lavôr a l'è fâ di mancûl di fâlu.



## Ve chi indulà che a van i 30mîl euros

**FIESTE DAL FRÛL.** A son cirche 30 i sogjets de liste publicade de Agenzie regionâl pe lenghe furlane cul ripart dai 30mîl euros a disposizion pal bant relatîf aes celebrazions de Fieste dal Friûl: 7mîl euros pes provinciis furlanis, 3mîl euros pai Comuns cjâflûc dal Friûl (Pordenon, Gurize e Udin) e chei altris 20mîl euros par chei altris ents locâi.

Te liste si viôt che diviers comuns a àn decidût di metisi dongje par colaborâ e coinvolzi plui popolazion rispjet a chei paîs che a àn invezit decidût di partecipâ bessôi: cussì a àn fat Codroip, Bertiûl



e Basilian che insiem a puartin a cjase 2.900 euros, ma ancje Listize, Morteian e Talmassons che a ricevin 1.820 euros.

Tra i ents che a mancjin te liste si segnalin: il comun e la provincie di Pordenon, Cividât che al veve ospitade la edizion 2015, il Cjanâl dal fier e la Cjargne, che e varès di jessi "la mari dal Friûl"... A son ancje trê sogjets escludûts: il Comun di Gurize, il Comun di Cjampfuarmit e la Pro loco di Tisane (il bant al previodeve in maniere esplicite la partecipazion dome di ents locâi).

**La liste complete e je publicade sul sît [www.arlef.it](http://www.arlef.it)** dulà che si pues cjatâ ancje il calendari di dutis lis iniziativa programadis pe Fieste ator pal Friûl che e viôt chest an Gardiscje il paîs "cjâflûc" des celebrazions.